



**Аубакирова Еркежан,
К. Шәкенов атындағы орта мектебінің 11 сынып оқушысы**

Жаңа Астана – тарихи оқиға.
Бұл елдің өз тәуелсіздігін алып,
көк байрағын көтергенмен бірдей қуаныш

Н.Назарбаев

Еркіндік – ежелден ел тілегі. Еркіндіктің таңы атты. Қазақстан бейбіт елдің, іргелі елдің қатарына қосылды. Арайлап атқан таңы бар, мінезді елі бар, жазиралы жері бар Қазақстан ХХІ ғасыр табалдырығын аттап отыр. Бабалар аманат еткен кең-байтақ жерімізді, тіліміз бен тегімізді сақтап қалдық. Елдің елдігін танытатын астанамызды айқындадық. Соңғы бір ғасырдың өзінде Қазақстан төртінші астанасына көшіп отыр.

1991 жылдың желтоқсанында азаттық таңы атысымен еліміздің өркендеуі үшін алға қарай батыл қадамдар жасалды. Ең алдымен жас мемлекеттің астанасы қайда болу керектігі туралы сұрақ күн тәртібіне қойылды. Бұл сұрақ та шешілді.

Елорданың келбеті күннен-күнге қуантуда. Ұмыт болған Ата-тарихымызды жаңғыртуда. Ұстағанның аузында кеткен дүниелеріміз қайтуда.

Күлтегін жазуының жеткізілуі, дала даналары Төле, Қазыбек, Әйтеке билерге, Кенесары ханға, Абылайға орнатылған ескерткіштердің өзі өмір бойы басқа елдің бодауында болған қазақ елінің еңсесін көтеріп тастады.

Асанқайғы, Бөгенбай, Қорқыт өткен – Астана,
Кенесары, Наурызбай жортып өткен – Астана!

Амангелді патшадан қаймықпаған – Астана

Махаббатын Мағжанға айнытпаған – Астана! –

деп, Қайнар Олжай жырлағандай, шынында да, қайнауы тарихқа толы Ақмоланы астанаға таңдауы тегін емес екен.

Шіркін-ай, десеңізші, қазақтың қай даласы бөлшектенбей бүтін қалды дейсің?...Басынан тар жол, тайғақ кешуді өткізген қазақ елінің талай даласын, қаласын бөгде ел билеп алды ғой.

Астана – халқымыздың болашағы мен ертеңінің кіндігі. Астананың келешегі мол, болашағы жарқын деп есептеймін.

Жаңа Астана – тәуелсіздігіміздің тірегі болып, халқымның арманын жалғастырып, үкілеген үмітінің ертеңі болса екен деймін. Алты алаштың баласы ат басын тіреген Астана қаласы білім мен мәдениет ордасына айналатынына кәміл сенемін. Достық пен

[Введите текст]

татулықтың алтын сағасына жол салып отырған Астана – ай сәулелі астана болмақ.

Елорданың Астанаға көшу идеясын көтерген де, көпшілік қолдауына да ие болған да ұлы тұлға Н.Назарбаев. «Өз елім өзегім», – деп елін сүйе білген, ауылдың ақ бесігімен тербеліп, ата-баба дәстүрімен сусындап өскен тұңғыш Президентіміз Астананы баға жетпес мемлекеттің астанасына айналдыруға күш салуда. Күннен күнге өркен жайған Астана кешегі Астана емес. Көз алдымызда өсіп, еркелеп аққан Есіл өзенінің сол жақ жағалауында бой түзеуде. Бес арысымыздың бірі Ж.Аймауытов айтқандай: «Президент дегеніміз – өз елінің тәрбиелі тұтқасы». Нұрсұлтан ағамыздың есімі қазақ тарихында аты қалар ұлы адам. Өйткені, ғасыр бойы аңсаған тәуелсіздікке қол жеткізді, егеменді ел болып еңсемізді көтеруге ат салысты, бабалар арманын орындаған ғұлама деп білемін. Тәуелсіздік – Нұрсұлтан – Астана!!! Бір-бірінен ешқашан бөлінбейтін киелі де қадірлі ұғымдар.

Иә, Елдігіміздің іргесін қалау оңайға түспеді. Тәуелсіз елдің болашағы, кемелді келешегі үшін жанын салып қызмет істеген Н.Назарбаев тек қана қазақ елінің маңдайына жаратылған біртуар ұлы, жарқын өмірдің көшбасшысы бола білді. Сөзінің адалдығы, іскерлігі, табандылығы талайды тамсантты. Байсалды мінезімен елін 50 елдің қатарына қосуда. Сұңғылалығымен ғасыр бойы жұмбақ күйімен жасырын жатқан тарихымызды оятып, елдің рухын асқақтатуда. Астананы белгілеп, уығын қадап, шаңырақты көтеріп берді. Ұлы істердің ұлылығын жалғады. «Еркін елдің ертеңі – Астанадан басталу керек» – деді. Міне халықаралық маңызы бар мәдени орталықтың ордасына айналған Астана Қазақстанның жаңаруы мен жаңғыруының, жасаруы мен ғаламданудың символына айналды. Жаңа Астана халықтың өзінің күш-жігеріне деген сенімнің белгісі.

Бүгінгі Астана мен келешек Астана – бұл біздің ізгілікті ойларымыз бен ұмтылыстарымыздың ең басты жемісі. Астана – бейне қауыз жарып келе жатқан көп гүлді, мол жапырақты өсімдік тәрізді байтақ Сарыарқа төсіндегі жеке-дара жап-жасыл жазира. Қараған жан болашақ Астананың сәулет ажарында ұдайы жаңа өрнек пайда болып, әрдайым жаңарып отыратынын байқайды.

Астана – өмір жолы. Қазақ елінің ұлы көші. Бүкіл байтақ Қазақстанның өркендеуіне соны серпін беріп отыр. Ұлтымыздың жаңа ғасырдағы жарқын тарихының шежіресі де дәл осы жерде жазылып жатыр.

Мен өзім ауылда туып, ауылда тұрсам да, Астананың айбынының асқақ болғанын тілеймін. Себебі, мен – елімнің ертеңімін. Болашақ арманым сол Астанамен жалғаса ма деп үміттенемін. Астананы – халық жолы, бүкіл қазақ халқының өмірі деп бағалаймын. Астана сағат санап өзгере берсін. Бейне бір «Қазақстан астанасы деген орнымды алуға әзірмін!» дегендей жаңа түрге ене берсін!

Астана – ақындар қаласы. Бұл тұжырым қаланың ежелден-ақ ән-жырдың ордасы болған. Бір кездері далалық өлкемізді молынан зерттеген Григорий Потанин: «Маған бүкіл Астана ән салып тұрғандай болып

[Введите текст]

көрінеді», – деген еді. Бұл әндер Қазақстанның барлық халықтарының тілінде шырқалады. Жүректі жарып шыққан осы әндер көк аспанымызда шырқала берсін!

Астана – ХХІ ғасыр қаласы. Жаңа астана тағдыры жас ұрпақ тағдырымен, жастардың арман-үмітімен тығыз байланысты! Ертеңге қол созған ел астанға зор үмітпен қарайды.

Ел орданың өркендеуіне бас болып, жан бітірген, түп атасынан батыр болып туған Президентіміздің көрегендігі мен батырлығына қайран қалмасқа болмайды. Қазақстанды шынға сүйреуде қабілет күші жеткен нағыз қажыр-қайрат иесі, талантты адамның өмір жасы ұрпақтарға үлгі-өнеге. «Ғасыр Адамы», реформатор, «Қазақстан» атты өршіл кемеңі өз Отанының байлыққа кенеліп, гүлденуі үшін алға бастап келе жатқан Елбасы бізге – ұлы адам.

Ерлік, қайрат, бірлік, бақ, ардың алтын ұясына айналып қазақ халқының нұрлы өмірінің шам-шырағындай жарқырап, айбынын асқақтатқан Астана, жарқырай бер демекпін! Өркендей берсін!

Есілі жарқылдап, күліп аққан, ғаламға құлақ жүргізіп, көк туды көкке ілгізген Астана, өркендей бер! Президентіміз Н.Назарбаев бағалағандай: «...Ерке Есіл жағасында бой көтерген, ерекше сәулетті ландшафты бар, бірегей мүсіндік нышандары сап түзеген, жоғары технологиялы болашаққа ұмтылған, өзгені сыйлап, өзінің жаңа астанасы мен өз елін шексіз мақтаныш тұтатын көп ұлтты және көп дінді халқы бар әсем де мейірлі астанамыз, міне осындай қала».